



Aðalfundur Körfuknattleiksdeildar Vestra

haldinn í félagsheimili Vestra, Vallarhúsinu Torfnesi sunnudaginn 29. apríl 2018 kl. 17.00.

Á dagskrá fundarins eru hefðbundin aðalfundarstörf skv. reglugerð deildarinnar.

1. Fundarsetning, kosning fundarstjóra og fundarritara.

Ingólfur Þorleifsson, formaður, setti fundinn og lagði til að Óðinn Gestsson yrði kjörinn fundarstjóri og Ingi Björn Guðnason fundarritari.

Samþykkt með lófaklappi.

Óðinn tók við fundarstjórn og kannaði hvort athugasemdir væru gerðar við boðun fundarins og lögmati hans. Engar athugasemdir voru gerðar við boðun fundarins.

2. Skýrsla stjórnar fyrir síðastliðið starfsár.

Ingólfur Þorleifsson, formaður, gerði grein fyrir skýrslu stjórnar og fór yfir starfsemi meistaraflokks félagsins á starfsárinu sem er að líða.

Skýrsla barna- og unglíngaráðs.

Birna Lárussdóttir, formaður barna- og unglíngaráðs, kynnti skýrslu ráðsins og gerði grein fyrir starfi þess.

3. Lagðir fram endurskoðaðir ársreikningar félagsins.

Sveinn Rúnar Júlíusson, gjaldkeri, lagði fram endurskoðaða ársreikninga og fór yfir helstu lykiltölur í rekstri deildarinnar undanfarið ár. Einnig lagði hann fram fjárhagsáætlun deildarinnar fyrir árið 2018.

Fundarstjóri opnaði fyrir umræður um skýrslur og ársreikninga.
Enginn kvaddi sér hljóðs.

Fundarstjóri bar upp til samþykkis endurskoðaða ársreikninga félagsins.
Samþykktir samhljóða.

4. Reglugerðarbreytingar

Engar reglugerðarbreytingar liggja fyrir fundinum.

5. Kosning formanns til eins árs

Birna Lárussdóttir og Ingi Björn Guðnason lögðu fram tillögu um Ingólf Þorleifsson sem formann.
Aðrar tillögur bárust ekki.

Samþykkt með lófaklappi. Ingólfur Þorleifsson er því réttkjörinn formaður körfuknattleiksdeildar Vestra til eins árs.

6. Kosning tveggja stjórnarmanna til tveggja ára.

Ingólfur Þorleifsson og Birna Lárussdóttir báru upp tillögu um að Harpa Guðmundsdóttir og Ingi Björn Guðnason yrðu kosin í stjórn til tveggja ára.

Aðrar tillögur bárust ekki.
Samþykkt með lófaklappi.



7. Kosning þriggja varamanna í stjórn til eins árs.

Birna Lárusdóttir, Ingi Björn Guðnason og Ingólfur Þorleifsson lögðu fram tillögu um þrjá varamenn, þeir eru Birgir Örn Birgisson, Guðmundur Einarsson, og Helga Salóme Ingimarsdóttir. Aðrar tillögur bárust ekki. Samþykkt með lófaklappi.

8. Önnur mál

Ingi Björn Guðnason kvaddi sér hljóðs. Hann bar fundinum kveðju frá Guðnýju Stefaníu Stefánsdóttur formanni Héraðssambands Vestfirðinga og Sigríði Láru Gunnlaugsdóttur framkvæmdastjóra sambandsins. Ingi notaði tækifærið og hvatti fundarmenn til að sækja héraðsping sambandsins sem fram fer þann 9. maí næstkomandi.

Hjalti Karlsson, formaður Vestra kvaddi sér hljóðs. Hann bar kveðju aðalstjórnar Vestra til fundarins og þakkir stjórnar til Körfuknattleiksdeildarinnar fyrir öflugt starf. Janframt óskaði hann nýkjörinni stjórn velfarnaðar á komandi starfsári.

Að lokum tók Hjalti upp mál sem Birna Lárusdóttir vék að í skýrslu sinni sem snerist um aðstöðuleysi barna- og unglinga í íþróttahúsinu á Torfnesi fyrir og eftir æfingar. Hjalti spurði hvort einhverjar lausnir væru í sjónmáli hvað þetta varðar.

Þormóður Logi Björnsson kvaddi sér hljóðs. Hann þakkaði fyrir kröftugt starf stjórna og sagðist hlakka til að sjá stúlknaflokk á næsta ári og meistaraflokk kvenna innan skamms. Þormóður tók undir með aðstöðuleysið í íþróttahúsinu á Torfnesi.

Birna Lárusdótti kvaddi sér hljóðs. Hún reifaði í stuttu máli þær lausnir sem hugað hafi verið að varðandi fyrrnefnt aðstöðuleysi. Hún benti á að á meðan á Körfuboltaþúðum Vestra stendur sé svæðið í anddyrinu nýtt sem setustofa. Lausn í þeim anda þyrfti ekki að vera flókin og ekki heldur dýr. Vilji sé fyrst og fremst það sem þarf.

Fleiri tóku ekki til máls undir liðnum önnur mál.

9. Fundargerð upplesin

Fundarstjóri óskaði eftir heimild frá fundinum til að fundarritari og fundarstjóri gengju frá fundargerð.

Samþykkt með lófaklappi.

Fundarstjóri gaf nýkjörnum formanni orðið. Hann þakkaði fráfarandi stjórnarfólki fyrir sitt framlag og bauð nýkjörna stjórnarmenn velkomna í starfið. Að því búnu sleit hann fundinum.

Fleira var ekki gert og fundi slitið kl. 17:50.